




# Arubaanse Courant

Anja 25.

DIABIERNE 15 MEI 1964

No. 5033.



MARCO ROBLES

## ROBLES A GANA ELECCION PRESIDENCIAL NA PANAMA

PANAMA, 15 mei. - Segun e resultado provisional di eleccion Marco Robles di 58 anja a obtene ne eleccionnan presidencial Pa namento 41,5 por ciento dje votonan. Arias ahanja 37,5 por ciento. Otro candidatonan ta parti e sobra.

### FATUM

Pa tur bo aseguranan  
Tel. 1845.

Te ainda nan mester controla e resultado oficialmente. Si e wordu confirma, Robles lo wordu instala na oktober proximo, ora cu e termino di puesto di 4 anja di su primo Roberto Chiari, termina como presidente.

ferencia di NAVO na Den Haag.

E minister a bisa cu cualquier intento pa intermediacion lo wordo acepta, tantu di parti di NAVO cu como di un pais apart di NAVO, pero un prome condicion pa esey ta cu e hostilidadnan riba e isla ta stop.

- Robles, un ex director di banco tabata foi 1960 te na su nombracion como candidato di gobierno pe eleccionnan presidencial minister di asuntunan general y justicia. El a studia na Sorbonne. Suesposata maestra di school. E lema di eleccion dje president nobo ta "La Reforma Va (Promo Adelanto)". Maske cu el a anuncia reformanan agraria, Marco Robles ta representa e podernan conservativo economico y politico na Panama.

### Gobierno nobo na Syria

DAMASCO, 15 mei. - Por decreto di conseho presidencial na Syria, nan a aproba e retiro di gabinete

Robles su prome preocupacion como president lo ta e economia debil, e nivel abao di bida y un deficit grandi di presupuesto.

di general Amin el Hafez y na un di dos decreto un gabinete nobo bow di direccion di Salah el Bitar a wordu forma. Des pues di formacion di su gabinete Bitar a declara, cu e gobierno nobo di Syria lo lucha pa cooperacion cu movimentunan progresista den mundu Arabe y aumento di un politiek di cooperacion entre Syria y otro paisnan Arabe riba base dje resolucionnan aproba pe conferencia cumbre Arabe na Cairo.

Bitar a acentua e interes di un tal cooperacion awor cu e amenaza Israelita, segun su opinion, a aumenta.



SABOR CU NUNCA TA VARIA

IT NEVER VARIES.



ARNULFO ARIAS

## Conferencia di NAVO na Den Haag

### COMUNICADO FINAL

Principalmente nan no a hanja ainda solucion pe kestion Aleman y Berlines. E conseho a stipula un blaha mas cu por alcanza un solucion justo y pacifico pa kestion Aleman solamente riba base dje derecho di autodeterminacion.

E ministernan cu satisfaccion a tende cu e ultimo tempu pasonan a wordu tumapa frena e carrera di armamentu. Nan a ripiti nan deseo pa llega pa un areglo dje problemanan terestre di desarme pero a ripara, cu esaki no ta posibel mientras tantu Rusia ta ninga di acepta medidanan eficaz di control y inspeccion.

Tambe nan tabata preocupa tocante situacion den e teri-

torio Griego Turco causa pa irregularidadnan na Cyprus.

Atrobe nan a participa, cunan gobiernonan ta apoya e actuacion pa cual Nacionnan Uni a dicidi pa mantene orden y paz, y intentonan di e mediador nombra pa Nacionnan Uni pa un acuerdo pe kestion aki.

E siguiente conferencia ministerial lo wordu tene na december dje anja aki na Paris.

DEN HAAG, E minister Turco di exterior, Erkin, awe tardi na e conferencia di NAVO a haci sugestionnan detaja cu segun su opinion lo por trece solucion di e asunto Chipre, asina a wordo informa den circulan di e con-

## Atake revolucionario ariba ciudad na Cuba

MIAMI, 14 mei Un grupo di exiladonan Cubano a anuncia cu nan a haci un ataque exitoso riba un fabrica grandi di sucu den e provincia Oriente na Cuba.

Segun un portavoz di e exiladonan ta trata aki di e fabrica di Puerto Pilon na costa sur. El a bisa cu te ainda ta drenta anuncionan tocante e accion.

Un portavoz di e movimiento revolucionario pa recuperacion a bisa, cu e comandonan di movimiento for di laman a haci e ataque mainta trempa riba e Puerto Pilon y a ocupa e ciudad tres ora largo.

Den e tempo e y nan a laga e fabrica di sucu explota. Despues nan a retira den Sierra Maestra.

### CONFERENCIA DI N.A.V.O.

DEN HAAG, 14 mei, E di dos dia di e conferencia di NAVO a pasa cu entre otro discurso di e minister Ulandes di exterior, Mr. Luns, quende a bisa, cu si mester traha un lista di e dificultadnan dentro di

E movimiento revolucionario di recuperacion ta un grupo anti-Castrista, cu a worde establece na anja 1959 pa estudiantenan catolico cubano. Lider di e grupo ta Dr. Manuel Artime, lider civil di e invacion cu a fracasa na anja 1961.

E tempo ey el a worde cohe preso despues nan a cumpre liber.

- E prome minister Cubano Fidel Castro, a pone Merca responsabel pe atake anuncia di desterradonan riba un fabrica di sucu den zuidoost di Cuba. Den un declaracion

NAVO, anto lo mester stipula cu e alianza no ta completamente sano. Mas consultacion ta necesario cu cual mester cuminsa na tempo y cu mester tin un caracter menos informativo cu ta e caso ultimamente.

Mescos cu minister Spaak a haci prome cu ne, minister Luns tambe a critica, cu e ministernan Rusk (di Merca) Butler di Inglaterra, Schroeder di Alemania Occidental, y Couve de Murville di Francia dialuna anochi a combersa tocante e asunto Aleman y

cu a worde duna pa radio Havana, Castro a bisa cu e asaltantenan a wordu paga pa Merca y cu e bapor cu nan a usa ta un dje bapornan di servicio central di informacion, cuta ehecuto accionnan fol basenan na Florida, Porto Rico y Central America. Na Washington un bosero di State Department a bisa cu e gobierno Mericano, no tin nada que ber que atake.

a duna un declaracion tocante nan combersacion.

Esey tabata un ehemplo di con no mester ta, asina minister Luns a bisa.

E minister frances, Couve de Murville a bisa, cu di parti di Francia no por spera proposicionnan pa e sector militar, pasobra gobierno frances tin tocante asuntunan di e caracter ey, tog un otro opinion cu otro paisnan. El a expresa su mes na fabor di e cooperacion politica pero a avisa pa finga un berdad cu por cierto no tey.

Minister Schroeder di Alemania Occidental quier soluciona e dificultadnan den NAVO door di stipula tareanan den cuadro di e alianza. Un modificacion di e estructura lo no por quita e faltanan.

NOS A RICIBI FOR DI MADEIRA

PRECIOSO



### MACUTO DI CABANA

tur typo y tamanjo, tambe macuto pa pic nic, HAMPERS y set di stoel pa patio, baki pa corant y boeki etc.

Bin weita nan, sigur lo bo keda encantá di nan.

### ACME STORE

San Nicolas

Tel. 5381



### ATENCION

### DAMAS

FOR DI AWOR TE CU 15 DI JUNI P.V.

MADAM ALICE ta ofrece UN

CHOLESTEROL OIL TREATMENT

GRATIS

cu cada appointment.

MADAM ALICE ta haci esaki pa introduci su dos beautician nobo

LITA Y EMILY

na e damanan di Aruba.

NO PERDE E OPORTUNIDAD AKI, JAMA

TEL. 1565

MADAM ALICE BEAUTY SALON

NASSAUSTRAAT 83

ANTILLIAANSE ELECTROTECHNISCHE

MAATSCHAPPIJ

ANTEM (ARUBA) N.V.

ta participa na su clientela, cu entrante awe su number di P.O. Box ta

201



Riba e foto aki nos por mira Joan Merriam Smith, quende su portret a ser saca na Long Beach, California quende a riska su bida den un buelo rond di mundo sin acompañamentu di ningun persona.

## Expulsion di Surnameo den delito foi Hulanda

AMSTERDAM, 15 mei. - E oficial di justicia cerca corte na Amsterdam a exigui contra e colportador di 24 anja cu a nace na Paramaribo y foi 1962 ta biba na Amsterdam, 12 luna di prison di cual seis provicional cu un tempu di prueba di tres anja kitando e arestopreventivo afo, pa motibu di maltrato. Ademas e oficial kier a mira uni ne straf aki e condicion importante, cu e persona aki na cuminzamento dje tempu di prueba, lo worde manda mas liber posibel su pais y no tin mag di regresa prome cu terminacion dje tempu di prueba. Esaki lo contene pe sospechoso cu e lo sali pa Surinam pasobra, segun e oficial na Ulanda, e lo keda cu dificultadnan pa adaptacion na Ulanda locual e lo no por kita nunca.

E persona aki a wordu acusa di a hinca diadomingo anochi 13 di maart un compatriota den un cafeteria na Kattenburg cu un cuchu den lomba. Esaki

mester a wordu hospitalisa. E sospechoso a bisa, cu e anochi ey, despues di pleitamentu cu e muher cu kende e ta compania, el a bandona su cas y a bebe den un cafeteria un cantidad di glas di genever cu tabata demasiado pe. Den e luga aki el a contra cu e compatriota relaciona contra kende foi algun luna caba pa cierto rason e tin un venganza. E siguiente mainta el a lesa den corant cu el a hinca esaki. Ne sesion a resulta cu e victima mes, cu tabata testigo, no tin nada contra e sospechoso.

Esaki semper tabata un bon amigo di dje y ta sigui ta su bon amigo.

E defensor ta hanja sistema dje oficial laf y a pone resistencia. Nos ta kita e responsabilidad moral enfrente di nos compatriotanan den west pa recogenan riba un manera humanitario ora cu nan llega Ulanda. Nes manera cu nan ta llega Ulanda segun e defensor ta causa pa foutnan den relacionnan entre nos go-

bierno insular y gobierno insular den west. E defensor no tabatin masha aprieso pe rapport tocante e acusado den cual esaki ta wordu mira pa un homber ketu, cu ta pertenece ne grupo cu ta trata di hanja facilmente placa na Ulanda. Por ultimo e abogado a pidi pa un straf corticu den prison pa su cliente.

E oficial di justicia a bisa di ta di opinion cu e acusado mester hanja e straf cu el a exigui pe. E ta un simple hoben Surnamenjo, cu den nos comunidad Ulandes caminda e no ta pas, ta comete hecho nan pacual e mester wordu sentencia. E acusado a declara, riba un pregunta dje president, cu e kier keda Ulanda pasobra na Surinam e no tin e ocasion pa continua su estudio pa sportleraar. E corte lo duna pronunciacion dia 18 di mei proximo.

### Emisora Ruso pa India

NUEVA DELHI, 15 mei. - Rusia lo manda pa India un emisora di radio di un forza di un mil kilowatt, cu lo ponele den oportunidad di actua contra e propaganda di radio di China den zuidoost Azia, segun anuncia di fuen-

A caba di jega



### DRESS & SPORT SHIRTS

di primera calidad, tur size, den un variacion masha bunita.

FANNY'S SHOPS

Oranjestad - San Nicolas.

te fidedigno na Nueva Delhi. India e delibera cu Tsjecho Slovakia tocante compra di dos emisora di entre 500 y 800 km.

## PLANAN PA UNIVERSIDAD DI EUROPA

STRAATSBURG, 14 mei E planan pa establecimiento di un universidad Europeo na Florence cu ya hopi anja ta pendiente, awor a drenta un stadium mas concreto door di iniciativanan di gobierno Italiano.

Gobierno Italiano a entrega un proyecto di ley pa establecimiento di e universidad ey na su parlamento y a traha un proyecto di acuerdo cu e otro paisnan di EEG pa regla e participacion intelectual y financiero di e paisnan ey.

E ultimo creacion den

### LINGERIE



\* sombra mitar y completo  
\* panties  
\* brassiere  
\* corset  
\* Baby-dolls  
\* Pyama, japon etc.

bo ta hanja di mehor calidad, den tur prijs y tur tamanjo na

LA LINDA

NOBO NOBO NOBO

Nassauststraat 34.

Nos a caba di habri Drip-Dry Satin Cottons den colornan fantastico, tambe especialmente pa traha saya. Cotton-Avrill di un hanchura di 46 inch, cu no ta machiká, y bunita disenja. Telapa cortina, geweeft di dos banda, den bunita color. Y sercanos semper ta mas barata!

## OTRO ATAQUE NA VENEZUELA

CARACAS, 15 mei. - Miembro arma di e movimiento izquierdista extremista nacional di liberacion a haci un atake riba e cuartel general di e movimentu di padvinderanan na Caracas. Nan a horta 10.000 bolivar, un emisora di radio y un kopleer machine.



## Declaracion di P.P.A.

ORANJESTAD, 15 mei. - Algun dia pasa nos a ricibi di directivo di P.P.A. siguiente declaracion pa publicacion. Contenido di declaracion ta lo siguiente:

En conexcion cu e publicacion hací den Arubaanse Courant di dia 5 di mei p.p. y e rectificacion inexacto di dia 8 di mei, Directiva di Partido Patriótico Arubano ta emití e siguiente comunicado.

P.P.A. ta lamentá cu Arubaanse Courant ta bisa den e título di dia 5 di mei cu "PPA kler retira Diputado Oduber".

PPA ta lamenta e contenido tendencioso di e frase aki, pasobra loque e frase ta bisa no ta berdad.

PPA ta lamentá tambe cu Arubaanse Courant ta bisa den su "rectificacion" di dia 8 cu "dirigenten di PPA ta completamente di acuerdo cu e contenido di e noticia", pasobra esaki no ta berdad, pues, den loque e redactor ta yama noticia, tin na final conclusionnan cu ta bini for di e redactor mes y no for di PPA.

No tin ningun sorto di desacuerdo fundamental entre Directiva di Partido Patriótico Arubano y Diputado dr. G.A. Oduber. Y comoquiera cu evidentemente tin elemento interesá na instigá den e asunto aki, PPA ta hací e siguiente declaracion.

1. Dia 17 di mei 1963, sr. Urbano Maduro, candidato pa miembro di Eilandsraad, a bai Europa cu verlof.

2. Comoquiera cu algun di e candidatonan riba e lista di PPA pa Eilandsraad, cu a sali eligí, no a acepta nan eleccion, sr. Urbano Maduro, mientras cu e tabata na Europa a ser declará elegí como miembro di Eilandsraad.

3. Pa via cu, sin e presencia di sr. Urbano Maduro na Aruba, PPA no por a presentá den e prome reunion di Eilandsraad nobo cu e total di su 13 miembronan elegí, Directiva di PPA a suplicá sr. Urbano Maduro pa no aceptá su eleccion y pa pone esaki disponibel na favor di e siguiente candidato riba lista di P.P.A. cu tabata bini na consideracion pa eleccion.

4. Sr. Urbano Maduro y Directiva di PPA a acordá cu sr. Urbano lo no aceptá su eleccion mientras cu e ta na Europa y lo pone esaki na disposicion di e siguiente candidato, bau di condicion cu, asina sr. Urbano Maduro regresá Aruba for di vacacion, e siguiente candidato ey lo a renunciá su puesto den Eilandsraad na favor di sr. Urbano Maduro.

5. Directiva di PPA naturalmente a hací mesun acuerdo asina cu e siguiente candidato en cuestion.

6. Además un acuerdo den exactamente e mes un sentido a ser hací entre sr. Urbano Maduro y e siguiente candidato en cuestion.

7. E siguiente candidato en cuestion, referí na puntonan 3,4,5 y 6 aki riba, tabata dr. G.A. Oduber.

8. Después di regreso di sr. Urbano Maduro for di vacacion, Directiva di Partido Patriótico Arubano a hací un yamamento na sres. Urbano Maduro y dr. G.A. Oduber pa posponé pa algun tempu e cumplimiento di e acuerdo hací door di nan, un cu otro y door di cada un di nan cu directiva di partido mutuamente.

9. Sres. Urbano Maduro y dr. G.A. Oduber a bai di acuerdo cu e suplica di Directiva di Partido y a combiná cu nan lo a efectúa e cumplimiento di e acuerdo en cuestion na e momento cu directiva di Partido huzga esey oportuno.

10. Algun siman pasá Directiva di Partido a papia cu sres. Urbano Maduro y dr. G.A. Oduber y a suplicá nan pa efectúa cumplimiento di e acuerdo hací.

11. Sr. Urbano Maduro además di su banda tambe a papia cu dr. G.A. Oduber y a pidiele pa cumpli cu e convenio mutuo mencioná. 12. T'esaki ta loque PPA a informá, aunque den un forma mas breve, na su representantenan di barrio den reunion di diadomingo pasá, 3 di mei.

Cualquier otro version tocante e asunto aki ta completamente falso y lo mester ta proveniente di elementonan interesá na sembra instigacion y mal comprension.

## CAMBODJA Y VIETNAM DEL SUR

NEW YORK, 15 mei. - Segun anuncia foi fuente fidedigno, Cambojia, a pidi pa un reunion di consejo di seguridad. Esaki pa delibera tocante un keho di violacion dje frontera Cambojano pa un auto blindado di Vietnam del Sur.

## Yudanza Sur Koreano pa e Lucha na Sur Vietnam

SEOEL, 15 mei. - Corea del Sur lo manda algun expertonan riba terreno di guerra guerillero pa Saigon, como contesta riba e peticion Mericano pa apoya Vietnam del Sur den e lucha contra e comunistanan. Segun a worde participa di fuente oficial na Seoel. Corea del Sur lo no manda trupanan.

## RESULTADO DI CUATRO DESTAJOPUBLICO

Na oficina di D.O.W. tabatin cuater aanbesteding, esta pa expansion di school di mucha homber na Paradera. Otro pa tra-

hamento di toiletan publico den becindario di haf na Oranjestad y Barcadera, di tres trabaonan di mantencion na e depositonan di Douane number 1,2 y 3 y e oficina di Douane na haf di Oranjestad, y tambe trabaonan di mantencion na e deposito di Douane no. 7 na Oranjestad.

N.V. Futura	F 39.480,--
Petrona & Croes	
Aruba N.V.	F 41.950,--
Bohama Aruba N.V.	F 39.000,--
Marcial G. Tromp	F 34.470,--
Bouwmaatschappij	
Aruba N.V.	F 32.727,--
Isidro Lopez	F 37.000,--
Firma Holman-van Eerden	F 37.200,--

Oferta pa e toiletan tabata lo siguiente:

Marcial G. Tromp	F 20.170,--
Petrona & Croes	F 20.325,--
Bohama Aruba N.V.	F 19.700,--
Bouwmaatschappij	
Aruba N.V.	F 21.400,--
Isidro Lopez	F 20.980,--
Firma Holman-van Eerden	F 21.350,--

Mantencion di Douane-Loods 1, 2 y 3 y e oficina a worde ofreci pa:

# KEEP YOUR

## VALIANT

## DART

## PLYMOUTH

## DODGE

## CHRYSLER

## IMPERIAL

# IN TOP CONDITION

WITH

# MoPAR

CHRYSLER ENGINEERED

PARTS  
ACCESSORIES  
ENGINE  
AND CAR CARE  
PRODUCTS

Agents for Aruba:

## Viana Auto

## Supply Co. Ltd.

Bernhardstraat 101  
San Nicolas Ph. 5120-5121

Firma Holman-van Eerden	F 29.725,--
Petrona & Croes	F 23.750,--
Marcial G. Tromp	F 25.845,--
Bouwmaatschappij	
Aruba N.V.	F 24.173,--
Isidro Lopez	F 28.600,--
Bohama Aruba N.V.	F 26.360,--

E trabao pa mantencion di douaneloods no. 7 tambe a hanja seis oferta cualnan ta:

Isidro Lopez	F 26.700,--
Marcial G. Tromp	F 25.280,--
Firma Holman van Eerden	F 27.200,--
Bouwmaatschappij	
Aruba N.V.	F 21.935,--
Petrona & Croes	F 28.650,--
Aruba N.V.	F 24.500,--

Tur e casonan aki e permitnan pa traha ta pendiente ainda.

DELICIOSO — RICO — REFRESCANTE  
DELICIOUS — RICH — REFRESHING

LIBBY'S LIBBY'S LIBBY'S



Pa e calor aki nada miho cu jugo di fruta — pero



For the warm weather there is nothing more refreshing than a cool glass of



NECTAR.

N.V. WINKEL'S HANDEL MIJ.

## HAVE YOUR BATTERY CHECKED AND SERVICED



Have your battery inspected and recharged to save you trouble on the road. When you need a new battery buy a Willard for quick starts, long life and less cost. There is a Willard Battery to fit all automobiles on the road today, priced to fit every pocketbook.



Distributor:

## JOSSY MOTORS

NASSAUSTRAT 132 — ARUBA

Tel. 1060 - 3087

# Willard

The Battery with Plate Anchor & Formula 57.

## LANSAMENTO MERICANO

Como preparacion riba un aterizaje riba luna a wordu lanza bow dje proyecto Apollo, dje

base Mericano di raket White Sands na Nueva Mejico, un Little Joe Raket cu un nanishi den cual tin instrumento nan di rescate. Na 7 km di altura esaki a los riba un orden radiografica y a baha na dos di tres paracaida pa suela.

## ROBIN HOOD FLOUR MILLS LTDA.

ta ofrece na henter pueblo di Aruba

1 set di 3 planchi di aluminio durable, cual por hanja na e siguiente manera:

1 PAKI DI ROBIN HOOD FLOUR BASHI DI 10 LBS  
MAS FL. 1,--  
2 PAKI DI ROBIN HOOD FLOUR BASHI DI 5 LBS  
MAS FL. 1,--  
4 PAKI DI ROBIN HOOD FLOUR BASHI DI 2 LBS  
MAS FL. 1,--

CAMBIA BO PAKINAN BASHI NA LA COLOMBINA  
Schelpstraat 23, Oranjestad, tel. 2357 agente di  
ROBIN HOOD.



UN  
KOPPI  
DI  
KOFFIE  
CU UN  
PERCOLATOR  
ELECTRICO  
ESEY TA  
CLA MES ORA.



### GRATITUD

Agradecemos a todas aquellas personas que de una u otro manera nos acompañaron durante la enfermedad y fallecimiento de nuestra querida e inolvidable madre e abuela

JUANA MARGARITA MARQUEZ  
(Q.E.P.D.) Fam. MATA, MARQUEZ,  
MARVAL, QUIJADA y L. WALLACE.

### ARUBAANSE KUNSTKRNG

TA PRESENTA

E duo di piano y violon mundialmente conoci

NOËL LEE - PAUL MAKANOWITZKY

Awe noch, 15 di mei den Centro Cultural, pa 8.30 or.

No reserva lugar.

Kaarchi ta worde bendi na entrada.

Miembros F. 2,50 no-miembros F. 3,50

### Kasjmier den Consejo di Seguridad

NACIONAN UNI, 15 mei. - Rusia a pone su mes den consejo di seguridad tras dje punto di bista di India, cu den e kestion Kasjmier nan no ta tolera intervencion di otro partidonan no relasiona.

Pakistan y India so mester solucionan nan conflicto, segun nan ta kere. E otro miembronan dje consejo a pidi pa Oe Thant actua como mediador. Di esaki lo no tin kestion. Brasil y Noruega ya a pidi e president dje consejo pa serra e debate.

### Brazil a kibra relacion cu Cuba

RIO DE JANEIRO, 14 mei. - E ministerio Brasilenjo di exterior a participa cu Brazil a kibra su relacionnan diplomatico cu Cuba. Asina un noticia for di Rio de Janeiro ta bisa.

### FESTIVAL NA CANNES

CANNES, 15 mei. - E premio grandi dje festival na Cannes segun anuncia lo wordu otorga pe jurado, ne pelicula Frances "Les Parapules de Cherbourg", di Jacques Demy. Tambe e pelicula Hapones "Suna no Onna", di Hiroshi Tesjicahara lo hanja un premio special dje jurado.

### PROHIBICION PA EMISORA DI PIRATA

STRAATSBURG, 15 mei. - Expertonan di gobierno di e consejo di Europa a pone toque final na un proyecto pa prohibicion Europeo di emisoranan di radio riba baporan, cualnan ta traha pafor di awanan territorial. E proyecto, cu ainda mester wordu atende pa e comitiva di ministernan di e consejo di Europa, no solamente ta prohibi na e emisoranan ey, entre cual pedidanan pa transmisionnan di propaganda, entreganan, manencion di bapor y equipo etc. etc.

Merca actualmente ta combati energicamente e contrabanda di hendenan na su frontera. Den exterior tin organisacionnan especial cu ta specialisa nan mes den e contrabanda di hende aki. E servicio di imigracion di Merca a publica ultimamente algun portret riba cual ta worde mustra cual metodonan ta ser usa pa e contrabanda aki.

Riba e portret mas ariba por mira con tres homber ta sconde bao di un vloer falsu di nan pick-up. Despues por mira con un homber ta sconde bao di e silla patras di un auto, y e otro portret ta mustra cu tambe trucknan di petroleo ta worde usa pa e fin aki.







Na Inglaterra nan tin e custumber di durante sosiegu di encuentronan di rugby, pa organisá un wega qu yama rag, caminda mucha muhernan ta tira otro cu awa, harina y un componente pegasoso di color. E dos mucha muhernan aki a combati otro fuertemente y esaki ta e resultado.



esaki continua cu e lezingnan na Austria.

Hoggan a scribi un boeki dencual e ta libra Hitler dje culpa pe segunda guerra mundial, y tapone e aliadonan respon sabel pa esaki, locual a dunele e premio Ulrich von Hutten, di Alemania di 5000. y e premio Leopold von Ranke di 10 mil mark.

**E premier di Algeria, Ben Bella a hasi un bishita oficial na Jugoslavia. Na su jgada na aeropuerto di Belgrado e huesped a worde saluda calurosamente pa president Tito (dreichi).**

## Refugiadonan Cubano pa Spanja

NACIONNAN UNI, 15 mei. - E comisariado altu di Nacionnan pa refugiadonan a participa cu mas o menos 15.000 refugiado foi Cuba a pidi asilo politico na Spanja. Door di esaki a wordu crea un dje problemanan di mas urgente di refugiadonan na Europa. Segun e altu comisariado.

Reginal Bevin, a condena e emisoranan aki fuertemente. Nan ta stroba servicionan di radio di guardacosta y seriamente e equipo di salva vida, segun el a bisa e teinpu ey.

## PROTESTA DI GRECIA Y CYPRUS

NACIONNAN UNI, 15 mei. - Tantu gobierno Chipriota como esun Griego a condena e asesinato riba dos oficial Griego di ehército y un polis Griego Chipriota durante e incidente di diaduna pasa na Famagusta na oost Cyprus. Den cartanan separa e representantenan permanente di ambos pais a declara cerca Nacionnan Uni, cu e asesinatonan aki a causa hopi danjo ne intencionan dje forza di Nacionnan Uni, pa laga paz bolbe na Cyprus. Nan a pidi, di laga e cartanan aki pasa cerca e miembronan dje consejo di seguridad.

## Emisoranan a bordo di bapornan Britanico

LONDEN, 15 mei. - Bow di presion gobierno conservativo di Inglaterra a dicidi pa no tuma den ningun caso prome cu e eleccionnan na oktober proximo medidanan contra e emisoranan abordo di e bapornan Caroline y Atlanta, cu ta keda un poco pafor dje awanan teritorial den Noord. Door di prohibi e transmisionnan aki, nan lo roba e oyentenan den oost di Inglaterra di programanan, cu ta ballapena Segun miembronan di Inglaterra pa comunicacionnan di telex den Lagerhuis a declara. Tressiman pasa, e minister en relacion

## Investigacion en cuanto entrega di armanan na movimiento Argelino

Na Hamburgo nan ta instalando un investigacion contra 20 persona cu ta sospecha di a entrega durante e guerra Argelino armanan ne movimiento nacional di liberacion. Un di nan ta Otto Ernst Remer, cu a junga un papel importante ne oprision di e lantamentu di oficialnan contra Hitler dia 20 di juli 1944.

## E LUCHA NA SUR VIETNAM

SAIGON, 15 mei. - Segun informenan, militarnan Comunista na Sur Vietnam a rondona tres bataljon di ehército di Sur Vietnam na un distancia di 500 kilometer sur di Saigon.

E bataljonan tabata na caminda pa destrui un cuartel militar importante di e comunistanan. Mas o menos mil militar di e ehército di gobiernu ta den e trampa di e comunistanan.

## E ACUERDO ENTRE EEG Y ISRAEL.

STRAATSBURG, 15 mei E acuerdo comercial cu recientemente a worde firma entre EEG y Israel por conta cu apojo di e parlamento Europeo aunque cu segun e delegadonan e acuerdo no ta bai suficiente leu. Asina un noticia for di Straatsburg ta bisa.



For di e modelonan di e portret aki cu a worde mustra na Hannover, e uniform di e equipo olimpico di Alemania pa Tokio lo worde escogi.

## PROGRAMA DI Y'S MEN

SAN NICOLAS, 15 mei, Diabierne venidero lo worde presenta door e Y's Men Club club di Aruba un showprograma, en combinacion cu un fiesta bailable den Commandeursbaai-club. E produccion di e anochi ey lo ta pa un obra caritativa.

Ticketnan di entrada ta obtenible na Viana y A.T.C. na San Nicolas.

## Mericano amenaza cu expulsion

E minister di Austria di asuntunan interno, Franz Olan, a bisa parlamento cu e lo expulsa e profesor Mericano David Hoggan si



# AGENDA

## ARUBAANSE COURANT

diariamente cu excepcion di diadomingo  
 subscripcion f. 3,25 pa luna  
 edicion los 20 ct.  
 edita pa:  
 N.V. ARUBAANSE DRUKKERIJ  
 - en UITGEVERS - en PUBLI-  
 CITEITS MIJ.

imprimi na:

N.V. DRUKKERIJ  
 „DE STAD,”

Telefoon 1116 Directiva y redac-  
 cion, 2116 Anuncio y subscrip-  
 cion.  
 Directeur hoofdredacteur:  
 D. Wolff.

## FOR CUMPRAR ARUBAANSE COURANT NA E SIGUENTE LUGARNAN:

NA ORANJESTAD:  
 BOEKHANDEL MARISKA,  
 PIET SODA FOUNTAIN,  
 REFRESQUERIA INGRID.

NA SAN NICOLAS  
 NICOLAAS STORE,  
 UNION STORE.

## BOTICANAN DI WARD

...achtendiensten: Oranjestad Boti-  
 ca Oduer Tel: 1780  
 San Nicolas Botica San Lucas  
 Tel.-5119.

## TELEARUBA

5.30 Cartoons  
 6.00 Public Service  
 6.30 Robin Hood  
 6.45 Papiamento Newscast Live  
 & Filmnews  
 7.30 Gunsmoke  
 7.45 Papiamento Sportnews  
 8.15 Ruffo Weaver  
 8.45 Highway patrol  
 9.00 English Newscast Live &  
 News  
 10.00 Perry Mason  
 10.30 Colonel Flack

## RADIO CARACAS TELEVISION

8.45 Senderos de luz.  
 9.00 T.V. Educativa  
 10.30 Cosas de mujeres.  
 11.15 El hogar y la moda.  
 11.45 Novela.  
 12.00 Noticias.  
 12.05 Show de Renny.  
 13.15 Se necesita una amiga.  
 13.35 Cortos.  
 14.00 Yo se lo vendo.  
 14.30 Documental.  
 15.00 Estudio de Hector Monte-  
 verde.  
 15.30 Perfecta ama de casa.  
 16.00 Mejias y sus muchachos.  
 16.45 Busque su marca.  
 17.30 Super Car.  
 18.00 Dan Bravene.  
 19.00 Trama 30.  
 19.30 La ley del revolver.  
 20.00 El observador.  
 20.45 Pepe y Gladys.  
 21.15 Victoria del mar.  
 21.45 Las enfermeras.  
 22.45 Noticias.  
 23.00 Cine Americano.

## RADIO VICTORIA

6.00 Peticiones  
 6.15 E. Bijbel Habri  
 6.30 Ultimas Noticia  
 6.45 Ecos del Cielo  
 7.15 Bo Musica Favorit  
 7.45 El camino de Victoria  
 8.00 Canta Leo  
 8.15 Mundo Femenino  
 8.30 Ultimas Noticias  
 8.45 Musica Di Banda  
 9.00 Noticias español  
 9.15 Melodias Del Alma  
 9.30 Morning Melodies  
 10.00 World News  
 10.10 The Bible For You  
 10.15 Through The Bible  
 10.45 Organ Melodies  
 11.00 Chapel Of The Air  
 11.15 Novela Cristiana  
 11.30 Melodias Di Merdia  
 P.M.  
 12.00 Ultimas Noticias  
 12.15 Musica Sagrada  
 12.24 Thought For The Day  
 12.30 World News  
 12.45 Quiet Time  
 1.00 Radio Concert Hall  
 2.00 Reading Room  
 2.15 Songs Of Zion  
 2.30 Quiet Hour  
 2.45 Radio Revival  
 3.15 World News Headlines  
 3.20 Ensuenos Musicales

3.45 Luz y Berdad  
 4.15 Ultimas Noticias  
 4.30 Musica Di Banda  
 4.45 Noticias Español  
 5.00 Informacio Di Gobierno  
 5.15 Palabranan Di Bida  
 5.30 Unshackled  
 6.00 World News  
 6.15 Haven Of Rest  
 6.45 Listening Post  
 7.00 Musical Interlude  
 7.15 Off The Record  
 7.30 Back To The Bible  
 8.00 Musical Gems  
 8.30 Nederlands Nieuws  
 8.45 Voor Zijn Glorie  
 9.00 Klassieke Muziek  
 10.00 Sign off

## CUMPLEANJOS

Dia 14 di Mei a cumpli anja  
 Sr. Asuncion Tromp, felicita-  
 cion ta bini di su mama Mimi,  
 padraro Crisitorio, rumanan,  
 wela, padrino, madrina, o-  
 mo y tantanan, swanan, cunja-  
 nan, primonan, subrina y su  
 brinonan, iha Irving Giel, ami-  
 gonan di Elmar y Sport Vere-  
 niging Jong Aruba, y muy es-  
 pecialmente di Malkel Thodé y  
 Joslij Giel.

Awe dia 15 di Mei ta cumpli anja  
 hobencito Edmond Jacobs, fe-  
 licitacion ta bini di su mama Sel-  
 ma, tata Cholan, rumannan Ro-  
 land, Marcel, wela y welo, tan-  
 tanana y omonan y demas famia  
 Jacobs y Martha.

Awe dia 15 di Mei ta cumpli 3  
 anja Sr Juan Batista Geerman,  
 felicitacion ta bini di su querie-  
 da esposa Evarista, iunan Mar-  
 celino y Roberto, mama Antonia  
 rumanan, cunjanan, suegra y  
 suegro y demas famia.

Awe dia 15 di Mei ta cumpli 3  
 anja hobencita Marcia Wernet,  
 felicitacion ta bini di su esti-  
 mado tata Arcadio, estimada  
 mama Irena, ruman Selvia, welo  
 Cristobal Paesch, welanan Lui-  
 sa Paesch y Catrinen Wernet, o-  
 mo y tantanan, primo y prima-  
 nan, padrino y madrina y demas  
 famia Wernet, Paesch, Wever,  
 de Cuba.

Dia 14 di Mei a celebra 67 anja  
 Sr Isidoro Farro, felicitacion  
 ta bini di su junan Seferina, Je-  
 susita, Carmen, Alicia, Chomay  
 Inocencio, Primitivo, Venerando  
 nielo y nietanan, ruman Dien Far-

ro, Asinto Farro, sobrino y sobri-  
 nanan, dos suegro Nicasio Roza y  
 Juan Krozendijk y demas famia  
 Farro.

## Declaracion Turco

DEN HAAG, 15 mei. E mi-  
 nister Turco di exterior, Er-  
 kin na e conferencia di NAVO  
 a haci sugestioannan detaya cu  
 segun su opinion lo por trece  
 solucion di e asunto Chipre,  
 asina ta worde informa den  
 circulonan di e conferencia  
 di NAVO na Den Haag.

E minister a bisa cu cual-  
 kier intento pa intermediacion  
 lo worde acepta, tantu di parti  
 di NAVO cu como di un pais  
 apart di NAVO, pero un prome  
 condicion pa esey ta cu e  
 hostilidadnan riba e isla ta  
 stop.

## Rebaho di derecho di importacion

BONN, E gobierno di Alemania  
 Occidental a participa awe cu su  
 derechonan riba import for di o-  
 tro paisnan di e comunidad eco-  
 nomico Europeo lo worde rebaha  
 cu un balor di mas o menos 220  
 millon mark pa anja, cu fecha  
 prome di juli awor.

Ademas gobierno di Alemania -  
 Occidental lo propone na cinco  
 otro paisnan di EEG pa nan re-  
 baha mas pronto posibel e tari-  
 fanan exterior di EEG cu efec-  
 tivo 25 por ciento, adelantando  
 e rebaho di tarifa di e vuelta  
 Kennedy.

## ISRAEL TOCANTE DECLARACION DI CROESJEF

JERUSALEM, 15 mei.- Loque  
 Chroestjow a bisa dialuna den  
 asamblea nacional di republica  
 Arabe Uni tocante e proyecto -  
 Israeli den Jordaan, a worde -  
 atende awe entre e minister di  
 exterior di Israel, senjora Gol-  
 da Meir y e embajador Ruso na  
 Israel, Michail Godrov.  
 Den circulonan generalmente -  
 bon na altura a worde bisa, cu  
 senjora Meir a yama e emba-  
 jador Ruso pa bise con asom-

bra gobierno di Israel ta cu e  
 declaracionnan di Chroestsjow.  
 Den circulonan gubernamental -  
 prominente nan ta objeciona -  
 especialmente contra e titulo -  
 cu Chroestsjow a duna e plan  
 Israeli di irrigacion esta como  
 un proyecto imperialista y su  
 descripcion di e riu Jordaan -  
 como un riu Arabe.

## Recomendacion pa paisnan Africano

GINEBRA, 14 mei E 18 paisnan  
 Africano cu ta asocia cu e co-  
 munidad economico Europeo -  
 y Algeria, Tunisia y Marokko  
 a aproba un recomendacion,  
 cu ta relaciona cu un organisa-  
 cion internacional pa mercadonan  
 Den e recomendacion nan ta pa-  
 pia na favor di formacion di un  
 grupo especial di trabao cu lo  
 tin como tarea elabora un pro-  
 grama pa un organisacion in-  
 ternacional di mercado.  
 E organisacion aki lo mester  
 sigura e paisnan di desarollo  
 e venta di nan produccionan -  
 contra prijsnan bon, di cual e  
 forsa di compra lo no tin mag  
 di mengua compara cu produc-  
 tonan cu e paisnan aki mester  
 importa necesariamente.  
 E texto di e recomendacion  
 a worde entrega na secretaria-  
 to di conferencia mundial di -  
 comercio.

## Peticion riba Premier Verwoerd

E institucion internacional  
 di prensa a apela prome mi-  
 nister Verwoerd di Sur Africa  
 pa no paga atencion riba re-  
 comendacionnan di un comision  
 di gobierno tocante instalacion  
 di un consejo oficial di prensa  
 y registracion obligatorio di  
 periodistanan.

Tambe e kier dje gobierno  
 di Sur Africa e segurisacion  
 cu esaki lo no presta ayudo  
 pa un tal violacion di libertad  
 di prensa mundial pa expande  
 noticia aki.

Bebe

# B o c a C h i c a

waak bao dje tapa

...y cobra bo premio!

## Tortura di un amor

### NOVELA

No. 2.

"No turturami papa, No ta pos-  
 sibel....y bo sa masha bon pa -  
 kiko." "No!" e vos di e Conde  
 a zona duro. "Ainda ta mescos  
 cu bo? Kier meen durante e cua-  
 ter anjanan cu bo a dwaal rond  
 den mundo, no a sirbibo pa na-  
 da?" Tabata reina un silencio  
 doloroso. Andrea ta tene su ro-  
 sea aden. Apartemente nan a  
 lubida cu e ta den e kamber ban-  
 di nan. E tabata tin gana di cor-  
 re bay. Pero e no por huy aki  
 nan. E unico salida tabay...  
 biblioteca. Papa, esaki a zo-  
 na cu duele, casi mescos cu un  
 stem di un hende cu ta pidi por-  
 don. "Mi no por hanjani den su  
 presencia. Comprondemi no? Mi  
 tin basta tempo caba aki....den  
 e hut. Mi kier a haci un proof cu  
 mi mes, bo sa. Si, mi a miré. Di  
 leeuw. E ta mas bunita cu nunca.

Mi ta stima Hulla, mi ta deseé,  
 ami.....ach, laga nos no papia

mas di esey! Mi sa, cu semper  
 lo e keda inalcanzable pa mi."

"Ta bon, cu bo mester realisa, cu  
 e no ta stimabo, "e Conde a con-  
 testa na un manera diferente.  
 "Ya mi tabata tin miedo, cu bo lo  
 tin e mal smaak, pa casa cu viuda  
 di Randolph." "Papa" esaki taba-  
 ta un exclamacion di emocion.

"Mi ta pordonabo di loke bo ta,  
 pensa di mi. Pero cu bo ta tri-  
 bi di kere, cu Hulla, e muhe ex-  
 tra ordinaria ey, lo tin asina  
 tanto gevoel, esey si ta di mas."  
 "Mi jiu, bo por cura di bo des-  
 ilusion, si bo keda akinan. No,  
 no interrumpini awor. For di  
 basta tempo caba, bo mester a  
 habri bo wowonan. Hulla a eligi  
 Randolph e tempo ey, pasobra e  
 tabata bay bira herederio di cas-  
 tillo Elmer. E tabata sa masha  
 bon, pakiko e a eligi net é." Mi

ta rogabo pa ultimo biaha, papa,  
 no papia asina. Bo ta forzami pa  
 defende Hulla contra bo." "Den  
 e situacion aki, lo bo hayabo mas  
 biaha, mi jiu! Si bo no ocupa e  
 lugar, cu ta pertenecebo, lo mi  
 percura, pa mi propiedadnan ke-  
 da cerca mi otro famianan. E o-  
 ra ey boso dos lo mester mira  
 unda boso ta bay keda." "Bo ta  
 kere cu bo ta capas di haciesey?  
 Nos terra di nacemento, abokier  
 duna hende stranjo?", e Conde  
 joven a puntra increibel. "Mi no  
 kier, pero mi mester, pasobra  
 mi jiu homber ta forzami hacié.

Y ademas mi no tin deseo, papa-  
 sa e resto di mi bida den compa-  
 nia di Hulla. Mi ta spera cu nos  
 a compronde otro bon." "Demasi-  
 ado bon mes! Esey ta boultimo  
 palabra?" "Si, mi ultimo."  
 "Nunca mi a pensa, cu bo por ta  
 asina", Nico a bisa. "Kier meen,  
 cu si mi bay di akinan, lo Hulla  
 keda sin cas?" "Si bo kier spliké  
 asina, si, tabata e contesta. Ta-  
 bata reina un silencio. Andrea ta  
 sinti su mes miserable. El a ke-  
 da emocioná, pasobra el a scucha  
 e conversacion, sin cu e tabata  
 kier. E tin duele di e Conde  
 bjeuw, kende ta mustré asina ho-  
 pi cuida paternal. Casi sigur e  
 comportacion di su jiu a cay é do-  
 leroso. "Okay", Nico a bisa por-  
 fin. "Bou di tal circunstancia -

nan, lo mi purba keda." "Mi no a  
 spera otro tampoco." E ultimo pa  
 labranan aki no a zona cupoco bo-  
 fon? "Lo bo sintibo bon atrobe.....  
 akinan Nico. Y keremi, di serca  
 hopi krans ta perde nan brillo. Un  
 porta a dal sera.

xxxx

Cu un curazon pisa Andrea a baha  
 pa comé. Pero asina cu el a dren-  
 ta, el a haya un sorpresa agrada-  
 bel. Sr. Brit tabata para banda di e  
 Conde joven, y e ta omo di S  
 cu kende e tabata junto na Kost-  
 school. "Hallo esaki ta Srta An-  
 drea? Cu un sonrisa alegre Tho-  
 mas Brit a cana jega sercá dje, y  
 a cuminde, mientras el a duné un  
 man. "Mi mester bisabo, cu nan a  
 mandami pa mi mira, con ta pará  
 cu e amiga perdil?" "Oh, Sr. Brit."

Andrea su wowonan a jena un tiki  
 cu lagrimas. "Con ta mi con ta  
 bay cu Stefana y Petral?" "Ta duel  
 mi pero mi no ta permiti di papia  
 algo di esey. Bomes mester bin  
 bishita nan un dia." Pero mi no  
 por? "Kiko?", el a contesta. "B  
 a cay den man di un negociante di  
 esclayo?" Cu un cara rabia el a  
 drey mira e Conde, cu a cana  
 ta. "Ta kiko ta pasando?" e Conde

a puntra. "Wel, Conde, si bo ta  
 permitimi pa sali un ora cu Srta  
 Weert, lo bo ta ehende di mas bon  
 cu ta existi riba e mundo aki."

"Pero naturalmente mi jiu, Conde  
 Elmer a kintipí wowo cu su secre-  
 taria. "Ta bo mes por dicidi esey  
 den futuro. Bota traha asina bon y  
 inteligente, cu pronto lo bo re-  
 cobra e tempo perdi." "Danki,  
 Sr Conde! "Andrea su cara a  
 bira poco corra. Pa  
 prome biaha el a ripara con  
 Conde Nico su cara a keda sorpr-  
 sá. Pero mesora el a kita su cara  
 E porta a dal habri y Condesa Hu-  
 yente. E no tin nada di un viuda  
 tristo na su curpa, maske cu e ta  
 bisti tur na preto. Thomas Brit a  
 keda mira e belleza aki cu admi-  
 racion, mientras cu seguidamente  
 Andrea ta tene e Conde joven na  
 bista. Pasobra toch e no por sos-  
 pecha, cu e sa su secreto. El a  
 bulg, ora cu Hulla a bin dune un  
 man. "Bon bini na cas Nico. Ami  
 cu papa a spera hopi dia caba ri-  
 ba bo regreso. Si bo tabata sa,  
 cuanto biaha nos a jega di pensa  
 riba bo! Nos tambe a pasa tempo  
 nan pisá! Ora cu Hulla a bisa e  
 palabranan aki, tabata tin un son-  
 risa sarcástico riba cara di e Con-  
 de bjeuw.

E ta sigui...



PEPITA

pa cortesía di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY

presenta pa cortesía di

JOHN MANSUR AUTOPARTS

na unda bo ta hanja piezanan di auto, garantisá pa nan calidad.

L.G. Smith Blvd. (Pariba di La Esperanza) tel. 3094.



## K.L.M. y aviacion supersonico

DEN HAAG, 15 mei. - Gobierno a autorisa KLM pa cuminsa deliberacionnan riba entrega di tanto e avion Frances Britanico Concorde como dje proyecto Mericano di un avion Supersonico di trafico, pa reserva lugarnan den e lista di pedidonan, segun e president director di KLM, Mr. Albarda, a participa ne reunion di accionistanan di su compania. Ta trata akinan di tres avion di cada tipo.

Dje dos typonan aki, e desarojo di Concorde tesun cutabatin mas progreso. E proyecto di un avion Supersonico Mericano, te ainda no ta definitivo. E Concorde lo bira un avion cu ta bula cu un velocidad di dos biaha esun di sonido. Te intencion dje mericanonan pa construi un avion supersonico cu por bula tres biaha mas lihe cu e velocidad di sonido. E avion Concorde,

ta wordu construi den fabrica Britanico di avion di British Aircraft Corporation y e fabrica Frances di avion di Sud Aviation. E prome entreganan lo no por tuma lugar prome cu 1971.

## Despropiasion na Tunisia a cuminsa

TUNISIA, 15 mei. - Na Tunisia a wordu cuminsa cu despropiasion di terrenonan cu ta pertenece companianan di stranheria, segun a wordu participa den circulonan Tunesino. Autoridadnan Tunesino a ocupa prome e terreno

Enfida na e Valle Enfida, den becindario di Sousse. E terreno aki tabata propiedad dje compania Frances. E tin un grandura di 10.750 hectaria. Segun anuncia, nan lo despropia den curso di dia tur terrenonan cu ta pertenece na companianan di stranheria.

## SANDYS TOCANTE ARABIA DEL SUR

LONDEN, 15 mei. - "Nos a obtene na Aden un exito militar decisivo, contra e tribunan revolucionario. No ta existi ningun duda, cu actualmente nan mester a cuminsa cu defensa", segun e minister Britanico di Colonia, Duncan Sandys, a declara na su regreso di un bishita di tres dia ne federacion di Arabia del Sur.

El a bisa, cu e trupanen Britanico actualmente tin poder riba un territorio grandi banda di e caminda di Aden pa Dhala.

Nan mester consolida actualmente nan posicion y exclui cada posibilidad pa accionnan nobo dje revolucionarionan. Tambe e minister a participa, cu e conferencia cu nan lo tene na Londen tocante constitucion dje federacion di Arabia del Sur lo wordu pre-

sede pa un reunion caminda, how di presidencia di un minister Britanico, representanten di tur direccion politico na Arabia del Sur por duna nan opinionnan.

## EXITO PA NIXON

WASHINGTON, 15 mei. - Ne pre eleccionnan organisa pe partido republicano den estado Nebraska, e ex vice president pa presidencia a hanja mas di 42.000 voto, contra 66.000 voto pe senador Barry Goldwater, cu te unico candidato oficial. Esakinan tabata e resultadonan ora cu 2.088 voto dje 2.148 oficinanan electoral tabata conta. Senador Goldwater a declara, cu Nixon probablemente su concurentes di mas grandi, pa candidatura pa presidencia dje partido republicano. Goldwater tabata sombra di no a hanja mas tantu voto.

## Mensahenan na Koetsjoek

NICOSIA, 15 mei. - Den telegramnan ne secretario general di Nacionnan Uni, e president

dje consejo di seguridad y e secretariado general di NAVO, e vice president Chipriota Dr. Koetsjoek, a bisa cu e tres oficinanan Griego cu tabata relaciona ne incidentenan di algun dia pasa na Famagusta tabata encarga, cu un orden secreto. Nan no tabata forma parti di e forza militar Griego situa legalmente na Cyprus. E gobierno Griego a duna oficialnan aki orden di midi profundidad dje haf di Famagusta pa preparacion di un desembarcacion Griego cu e fin di paralisa defensa Turco Chipriota den territorio di Famagusta.

## Limitacion Mericano diventa cu Cuba

WASHINGTON, 15 mei. - Merca a pone tur venta di tur sorto di cuminda y remedi na Cuba bow di limitacion, segun ministerio Mericano di comercio a participa, esaki ta nifica, cu solamente pakinan di regalo por wordu manda Cuba sin permit di gobierno. Den un anuncio a ser participa, cu e stipulacion nobo, segun cual ta necesario pa manda cuminda y remedi Cuba, permitnan special di exportacion no ta contene, cu e exportacion aki den tur caso lo wordu impedi. E minister nan ta desea di ta na altura di tur propuesto comercial cu Cuba y ademas kler ta den un posicion cu ta haci posibel acutacion en acuerdo cu interes nacional. Tur desesion lo wordu tuma den cuadro di tur circunstancianan cu tin relacion riba esaki segun e anuncio. E stipulacion nobo ta sigui anuncio nan di ayera, segun cual Cuba a tuma via Canada contacto cu empresanan Mericano di remedi tocante un posibel compra di un cantidad di remedi.

## Avion jet Mericano a cai na Las Vegas

LAS VEGAS, 15 mei. - 5 Persona a muri ora cu un avion jet Mericano dje tipo F 105 a cai den un barrio di Las Vegas. E avion a sufrir accidente pocodespues cu el a subi dje base aerea Nellis. Despues di a pasa cerca di un school e avion a dal contra algun cas y despues di cual el a explota. E victimanan ta 4, Civil, entre cual tres mucha, y un piloto dje avion jet. Shete cas a keda completamente destrui.

## CONGRESO COMUNISTA NA FRANCIA

PARIS, 15 mei. - E di 7 congreso dje partido comunista Frances a cuminsa na Paris den presencia di secretario general Maurice Thorez, 50 delegado y representanten di partidonan, entre kende Michel Soeslov, secretario dje comite central dje partido comunista Ruso, cu na februari pasa a condena den un rapport extenso e suposicionnan ideologico dje Comunistanan Chines.

Paul Laurent, miembro dje oficina politico, como president dje prome reunion a duna un resumen cortico dje actividad dje partido y a critica seriamente tesis dje lidernan Chines.

## Lansamento di Saturnus a keda suspendi

WASHINGTON, 15 mei. - E lansamento di e raket Saturnus 6, manera anuncia pe oficina pa viahe aerea y interplanetario, a keda suspende te dia 26 di mei proximo. E lansamento tabata pa tuma lugar dia 20 di mei, pero pidanen di metaal a wordu hanja den e tanki cu liquido pe raket. Esakinan actualmente ta wordu somete na un investigacion.



**RIP KIRBY**

Agente exclusivo di

**FRIESCHE VLAG**

pa cortesia di:


lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.




**BUCHI ROBEZ**

Pa cortesia di:

**PIET'S SODA FOUNTAIN**

Tel. 2123

E mihor adres pa snacks, tur clase di dushi, softdrinks, ice-cream y revistas.

**Horoscopo personal**

**ARIES**-21 di maart- 20 di april  
Venta di mercaderian y empleo ta favoreci. Sin embargo bo no mester ignora romance y contactonan social.

**TAURO**-21 di april- 21 di mei  
Esaki ta un perspectiva especialmente bon pa bo cambia di empleo. Tur e asuntonan comercial y di mercaderia ta favoreci e dia aki.

**GEMINIS**-22 di mei - 21 di juni  
Si bo traha cu diligencia e dia aki, tanto bo mester hasi un gran paso pa alcanza bo meta e dia aki. Lo bo logra cu forza di voluntad.

**CANCER**-22 di juni- 23 di juli  
Oranan di mainta mester ta altamente productivo pa bo, asina ta cu saca tur probecho posible e dia aki. Ora bo ta na duda sigi e metodonan di rutina.

**LEO**-24 di juli- 23 di augustus  
Bo mester ta activo durante henter dia si bo ta desea pa boperspectivanan converti den ganancianan berdadero.

**VIRGO**-24 di augustus-23 di september - Parti mainta lo bai producir bon contactonan a traves di bo asociado profesional.  
**LIBRA**-24 di september-23 di october - Un bishita na un pariente o un conferencia cu un intimo amigo por proporcionabo un excelente oportunidad pa progresar.

**ESCORPION**-24 di october- 22 di november - Esaki ta un dia excelente pa bo realiza un blañe en relacion cu perspectivnan comercial.

**SAGITARIO**-23 di november-22 di december - Esaki ta un bon dia pa bo recupera e tempo perdi cu bo tin. Hasi tur clase di esfuerzo pa bo realiza algo extra.

**CAPRICORNIO**-23 di december- 20 di januari - Tur clase di compra y venta ta favoreci e dia aki. Si bo ta buscando un trabao tin bon probabilidadnan di cu bo lo hanja.

**ACUARIO**-21 di januari-19 di februari - Un blañe por ta precisamente e clase di aliento cu bo animo tin mester awor.

**PISCIS**-20 di februari - 20 di maart - Esaki ta un epoca excelente pa bo consumo tratonan, firma contratonan y mehora negoshinan.

**Arestacionan na Berlin Occidental**

Polis di Berlin Occidental a bolbe aresta e ex oficial secreto Hans Joachim Sommerfeld riba sospecha cu esaki tabatin un participacion importante riba e asesinato massal riba 1902 Judio y Rusonan na polis na Berlin Occidental, a keda aresta pa di prome blañe na 1961.

Poco ten despues el a wordu pone den libertad pa motibo di falta di prueba. Justicia ta kere actualmente di ta dispone di pruebanan cu Sommerfeld tabata relaciona ne asesinatonan massal.

**LASSO PA CYPRUS**

**NEW YORK**, 15 mei. - Como representante personal di secretario general Oe Thant a sali for New York pa Nicosia Carlo Plaza Lasso, ex president di Ecuador. Lasso su trabao ta di busca medidanan, cu por conduci pa terminacion dje kestion Cyprus.

E funcionario di 55 anja di Nacionnan Uni, ya a ehecuta un sorto di trabao asina na Libanon y na Congo.